



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**De Tribvs Dagobertis Francorvm Regibvs Diatriba  
Godefridi Henschenii E Societate Iesv**

**Henschenius, Godefridus**

**Antverpiae, 1655**

XIII Sepultura S. Irminae apud Wissenburgenses. Hoc monasterium à  
Dagoberto dotatum. Alia monasteria à Dagoberto fundata aut dotata.

**urn:nbn:de:hbz:466:1-9599**

piam imperito antiquæ historiæ conscriptum, approbârit liberam Abbatissæ electionem, minimè à simili controvèrsiâ dependentem? Fauet huic coniecturæ, quod cœnobium S. Romarici, in quo S. Modesta vixit, in diœcesi fuerit Tullensi, ut vel inde apposito S. Modestæ nomine, eius benevolentiam conciliandam auctor libelli supplicis sperasse videatur. Demum, quidni tam potest illa Leonis Papæ constitutio suppositia censeri, quam, ut Browerus scripsit, à posteris interpolata?

## XII

*Sepultura S. IRMINÆ apud VVissenburgenses. Hoc monasterium à DAGOBERTO parente dotatum. Alia monasteria à DAGOBERTO fundata aut dotata.*

**A**lbum-Castrum, inquit Gaspar Bruschius, vel VVissenburgum, monasterium instituti Benedictini, unum ex Germaniæ omnibus antiquissimum ac potentissimum: una item ex qua quatuor illis sacri Romani Imperij abbatiis, Ducali dignitate conspicuis, Fuldensis, Campidonensis, ac Murbacensis Abbatiarum in hac felicitate consors ac socia. Id, inquam, amplissimum cœnobium in media Alsatiâ ad montana Vosagi & in eiusdem nominis imperiali oppido ad amnem Lutharum, qui medium ciuitatem perfluit, amoenissimo loco situm, Spirensis diœcœos, quod alibi VVitzenburgum, quasi sapientiæ castrum dicitur, quod nomen scholæ & academiæ taliter pulchre conuenit. Fundatum ac inchoatum legitur anno 10C-XXIII, dotatum verò & auctum anno Christi 10CLXIV à DAGOBERTO potentissimo Galliarum Rege, cuius filia Domna IRMINA,

prima

prima fundatrix & Abbatissa Horrei Treuerensis, in sinistrâ  
VVeissenburgensis summi templi abside, sublimi & magnifico mau-  
soleo (in cuius summitatem Clerus eius loci circa Parasceues festum,  
Corpus Dominicum collocare solet) deposita, ac terra omnium pa-  
renti redditâ est. Hactenûs Bruschius in Monasteriorum  
Germaniæ chronologiâ. Addit Coccius in DAGOBERTO  
cap. 18, intra ipsam aram D. IRMINÆ DAGOBERTI Regis filiæ  
sacrum corpus loculo includi, cum hac inscriptione:

HIC RECONDITVM EST INTEGRVM CORPVS  
B. IRMINÆ VIRGINIS, FILIÆ DAGOBERTI  
REGIS FRANCORVM, FVNDAOTORIS HVIVS  
MONASTERII.

Quando illud ibi positum sit epitaphium, nusquam legimus. Ex Chronico Spanheimensi, quod Trithemius huius loci Abbas scripsit, ante quingentos annos illud ibi extitisse colligi posse videtur. Nam anno CIICLII, ut ille tradit, *Crafft* secundus huius monasterij Abbas multis precibus impetravit caput S. IRMINÆ Virginis, filie quondam DAGOBERTI Regis Francorum, quæ fuit prima Abbatissa monasterij in Horreo Treuirensi. Erat Crafft Megenhardi Comitis de Spanheim, & dicti monasterij fundatoris filius, anno CIICXLIX, ut idem scribit Trithemius, sub Bernhelmo primo Abate factus monachus, reliquâ sponsâ, nomine Clementiâ, filiâ Adolphi Comitis Altimontensis, quæ in monasterio S. IRMINÆ deinceps sanctimonialis vixit, de quâ nos alibi. Delato ergo ad Spanheimenses sacro capite S IRMINÆ, integrum corpus (quod in Epitaphio legitur) non adseruabatur Weissenburgi: nisi quis interpretur totum corpus, præter caput; vel totum, quia pleraque ossa corporis. In Fragmento historico, quod Alberti Argentinensis Chronico præfixum est, dicuntur SS. Arbogastus & Florentius sub DAGOBERTO I floruisse,

Q

atque

atque hic ad annum 15CLXXIV vixisse. Quæ errata suprà correximus, ac sanctos illos Antistites tempore DAGOBERTI II in Alsatiā venisse demonstrauimus. Similes errores chronologici in antiqua Weissenburgensia monumenta, quæ Bruschiūs descripsit, videntur irrepsisse. Fatetur hic auctor, catalogum Abbatum, quem partim Weissenburgi ipse collegit, partim Philippus Flersheyminus Episcopus Spirensis illi communicauit, *initio perturbatum ac mendosum videri*. Primus Abbas statuitur Principius, qui & Episcopus Spirensis fuit, sed *cui dignitati prius praefectus incertum*, ait Bruschiūs. Agunt de eo in Catalogo Episcoporum Spirensium idem Bruschiūs, Eifengreinius, Philippus Simonis aliique, ac præfuisse illi Ecclesiæ tradunt sub Sigeberto DAGOBERTI filio: accepisseque ab eo Rege decimas omnium victualium in agro Spirensium prouenientium, quæ anteà Regi dari consueuerant. II Abbas Weissenburgensis statuitur Cheodonius. III Radefridus. Huic, inquit Bruschiūs, Badenses therma concessæ esse leguntur. Huius donationis tabulas ex Coccio hīc referimus, quod prorsus arbitremnr ad DAGOBERTVM II spectare.

DAGOBERTVS Rex Francorum viris illustribus, Duci-  
bus, Comitibus, Domesticis, vel omnibus gentibus tam præ-  
sentibus quam futuris. Illud ad stabilitatem regni vel reme-  
dium animæ nostræ perdurare credimus, si petitiones Sacerdo-  
tū, quas auribus nostris patefecerint, ad effectum perducimus.  
Ideò cognoscat magnitudo seu nobilitas vestra, quia nos ad sug-  
gestionem viri venerabilis RATFRIDI Abbatis de monasterio  
WEissenburgo, balneas illas trans Rhēnū in pago Auciacensi  
fitas (quas Antoninus & Adrianus quondam Imperatores suo  
opere

opere ædificauerunt) ad monasterium, quod dicitur *VVeissenburg*, & est constructum in honorem S. Petri in pago Spirensi, visi fuimus concessisse, cum omnibus & cum ipsâ marchâ ad ipsas balneas pertinente, quæ venit de duobus lateribus usque in fluuim Murga, & de unâ fronte ad partem occidentalem rasta una, & de aliâ fronte ad partem orientalem leucas sex, quas homines loci istius dicunt rastas tres esse. Propterea hoc præceptum cessionis fieri iussimus, ut ab hac die memoratus RATFRIDVS Abbas vel Patres ipsius monasterij *VVeissenburgensis*, suique successores vel monachi ibidem commorantes, de suprascriptis balneis, quas dicunt Aquas calidas, vel marchâ ad ipsas balneas pertinente, faciant quod maluerint: hoc est, habendi, tenendi, suisque successoribus relinquendi, firmissimam habeant in omnibus potestatem. Et ut hæc præsens auctoritas firmior sit, manu nostrâ vel anulo nostro subter eam decreuimus roborari. Data sub die XI Augusti anno secundo regni nostri. In Christi nomine, DAGOBERTVS REX.

Hec regia diplomata, addit Coccius, cum aliis compluribus Ruditgerum, Abbatum *VVeissenburgensium* postremum, eundemq; prium Præpositum, anno CICICV Maximiliano Augusto eiusq; filio Philippo Hagenœ & frequentissimo S. R. I. Principum cætui ius contra Philippum Comitem Palatinum Rheni dicenti exhibuisse, fasti Alsatici asserunt. Thermæ porrò Badenæ posteris annis in eiusdem appellationis Marchiones domi militiæq; id temporis inclytos, & huic Ecclesiæ liberali clientelâ deuinctos, feudi iure translatæ sunt.

sunt. Hæc Coccius. Ceterum annus II regni DAGOBERTI  
apud Austrasios, quem suprà intelligi debere arbitramur,  
concurrit cum anno Chr. 10CLXXXI, septemdecim scilicet  
annis elapsis post annum 10CLXIV, quo, vti à Bruschio suprà  
& Munstero in Colmographiâ obseruatur, à DAGOBERTO  
monasterium Wéissenburgense dotatum auctumque. Ve-  
rū iam tum viginti annos è viuis excesserat DAGOBER-  
TUS I, & nepos eius DAGOBERTUS II exul in Hiberniâ de-  
gebat.

Extat aliud DAGOBERTI Regis diploma, quo fundatur &  
dotatur monasterium Weissenburgense, relatum à Trithe-  
mio lib. I compendij Annalium de origine gentis Franco-  
rum, Munstero, Coccio: eiusdemque meminit Martinus  
Magerus de Aduocatiâ armatâ cap. 9 num. 513. In eo diplo-  
mate multa difficultia sunt. Primò narratur visio Regi facta,  
apparente inter Sanctos Christo Iudice, eiusque rapinas  
culpante, tum S. Dionysij patrociniū, Regisque votum de  
extruendo monasterio. Quæ verbis omnino eisdem refe-  
runtur in diplomate donationum monasterio Haselacensi  
factarum, quod à DAGOBERTO II fundatum esse diximus,  
eaque tamquam à posteris ineptè infarta reiecimus. Clau-  
sula ita legitur apud Munsterum: *Datum in ipso monasterio  
mense Maio anno regni nostri XXII, anno Domini 10CXXII.* quē  
annum etiam adnotarunt Bruschius & Eisengreinius. Ob-  
seruat Coccius apud Trithemium esse adtextum *annum  
Christi 10CXXIX*, qui omissus est in operibus eius anno 10C-  
XXI recusis, in quibus hæc clausula est: *Datum, quod fecimus  
in ipso monasterio, mense Maio, die XI, anno regni nostri XXII,*  
*in Christi nomine feliciter. Amen.* At non nisi octodecim an-  
nos imperauit Austrasiis DAGOBERTUS I, ab anno scilicet  
10CXXI ad 10CXXXIX, quo filius eius Sigebertus regnum  
Austrasiæ

Austrasiæ accepit. Diplomati Haselacensi, in quo eamdem de raptu DAGOBERTI ad tribunal Christi fabulam narrari diximus, hæc clausola apponitur: *Datum quod feci cum filiis meis, Chlodoueo scilicet atque Sigeberto in dicto Haselaci monasterio ... anno ab Incarnatione Domini sexingentesimo tredecimo mense Aprili, die sextâ decimâ. Quibus omnibus expunctis, ostendimus Haselacensis monasterij fundatorem agnoscere DAGOBERTVM II, quod de Weissenburgensi monasterio etiam dicendum esse proprius vero videtur. Bruschius addit DAGOBERTVM Regem dedisse Abbatii Principio exemptio- nis ab omni iugo Episcopali & aliarum plurimarum libertatum pri uilegia, quæ in eo diplamate habentur absque mentione Principij, sed & Catalogum Abbatum initio perturbatum ac mendosum esse ex ipso Bruschio diximus. Dein quæ in eo diplo mate leguntur priuilegia, videntur plurima ab Imperatori bus posteà concessa, quale est, quod moneta in se habens ima gines, expressamq; similitudinem Nemetensis monetae, eidem loco concedatur. Verum de his securius ferri iudicium posset, si extarent, quæ illi monasterio ab sequentibus Regibus atque Imperatoribus sunt impertita priuilegia.*

Rex DAGOBERTVS, pater S. IRMINÆ, coronam insignem can daliferam argenteam, auro subductam, turribus & sumptuosissimo opere elaboratam in eadem ecclesia Weissenburgensi a summis lacunaribus dependentem fieri curabat, quæ hodie adhuc incolis vi sendam se offert. Ita Eisengreinius ante annos ferè centum: qui relato obitu DAGOBERTI I ad annum 10CXXXII, subiungit: *S. Lutuinus Gallia Belgica Dux, Treniorum Archimysta con stituitur anno 10CXXXIII.* quod factum esse circa annum 10CC dicetur infrà lib. 4. Ast hîc scriptoris inscitiam agnoscisatis est.

Alia itidem monasteria in eisdem regionibus extructa

Q. 3

DAGO-

DAGOBERTVM Regem, parentem suum ac conditorem agnouerunt. Eiusmodi sunt Clingense, quod Weissenburgo duabus leucis distat, ab hæreticis deiectum: Regio pontanum, vulgo Konigs-brug, Sacro-nemori vicinum, quod nunc esse Ordinis Præmonstratensium parthenonem tradit Coccius cap. 19, qui cap. 6 afferit DAGOBERTVM præclarè meritum esse de monasterio Mauri haud proculab Tabernis Alsaticis, ac gratam eius memoriam posteris commendari in elenchis eiusdem cœnobij. Theodericus Rex vltimus illius nominis, de quo lib. 3 agemus, priuilegia decessorum Regum confirmavit, diplomate dato Metu in cœnobia S. Arnulphi Kalendis Maij, anno regni v, Christi 1000XXIV, quod ita incipit: *In nomine sanctæ & indiuiduæ Trinitatis. Theodericus Diuinâ fauente clementiâ Rex Francorum viro illustri Luthfrido Alamannorum Ducii.* Est hic filius Adalberti, etiam Alamannorum in Alsatiâ Ducis & fratri S. Odiliæ: à quorum altero fratre Athico Habsburgicos atque Austriacos vetustissimæ stirpis suæ originem habere tradunt Vignerius & Chifletius. In dicto autem diplomate decessores Reges memorat Theodericus: *Vnde, inquit, Abbas Maurus præceptionem Childeberti Regis, ac monasterij illius fundatoris, seu diuæ recordationis Theodeberci, Chlothary, DAGOBERTI, Sigeberti itemq; DAGOBERTI, quondam Regum, nobis ad ostentationem ostendit.* En S. Sigebertus inter duos DAGOBERTOS, patrem scilicet DAGOBERTVM I, & filium DAGOBERTVM II, quantum assequi possumus. Demum quod prope vrbem Spirenssem extat monasterium S. Germano dicatum, à DAGOBERTO extructum atque egregiis dotatum prouentibus tradunt Eisengreinius, Philippus Simonis aliique. Sed quamdiu antiqua non proferuntur monumenta, quis intelligendus sit DAGOBERTVS, incertum.